

**27 IANUARIE
RUGĂCIUNEA
SF. CUVIOS-MĂRTURISITOR
LEONTIE STACEVICI
DE LA MIHAILOV**

***МОЛИТВА ПРЕПОДОБНОМУ И БОГОНОСНОМУ ОТЦУ НАШЕМУ
ЛЕОНТИЮ, АРХИМАНДРИТУ МИХАЙЛОВСКОМУ ЧУДОТВОРЦУ***

О священная главо, преподобне отче, преблаженне авво Леонтие! Не забуди убогих твоих до конца, но поминай нас всегда во святых твоих благоприятных молитвах к Богу. Помяни стадо, твое еже сам упасл еси, и не забуди посещати чад твоих. Моли за ны, отче священный, за дети твоя духовная, яко имея дерзновение к Небесному Царю: не премолчи за ны ко Господу, и не презри нас, верою и любовию чтущих тя. Поминай нас недостойных у престола Вседержителя и не престай моляся о нас ко Христу Богу: ибо дана тебе бысть благодать за ны молитися. Не мним бо тя суща мертв: аще бо телом и преставился еси от нас, но и по смерти жив сый пребываеши. Не отступай от нас духом, сохраняя нас от стрел вражиих и всякия прелести бесовския и козней диавольских, пастырю наш добрый. Аще бо и

мощей твоих рака пред очима нашими видима
есть всегда, но святая твоя душа со ангельскими
воинствами, со бесплотными лики, с небесными
силами, у престола Вседержителя предстоиши,
достойно веселится. Ведуще убо ты воистину и
по смерти жива суща, тебе припадаем и тебе
молимся: молися о нас всесильному Богу, о
пользе душ наших, и испроси нам время на
покаяние, да невозбранно прейдем от земли на
небо, от мытарств же горьких, бесов воздушных
князей и от вечныя муки да избавимся, и
небеснаго царствия наследники да будем со
всеми праведными, от века угодившими
Господу нашему Иисусу Христу: Ему же подобает
всякая слава, честь и поклонение, со
Безначальным Его Отцем, и с Пресвятым и
Благим и Животворящим Его Духом, ныне и
присно и во веки веков. Аминь.